



Maniitsup Kommunea

Aaqqissuussaaneq pillugu

Isumaliutissiissummut

Inassuteqaatit

27. februar 2006

Aallaqqaasiut

Kommunalbestyrelsep november 2005-imi ataatsimiinnermini aaqqissuussaanermut isumaliutissiissut eqqartuiffigaa qanorlu Maniitsup Kommuneani nalilersuiffigineqarnissaa suliarineqarnissaalu.

Kommunalbestyrelse aalajangerpoq piffissaliussalersuilluni pilersaarusionerq ima malitse-qartusaaq, ataatsimiititaliat susassa qarfiit, immikkoorto qarfiit susassa qartut, ledergruppe aammalu innuttaasunik ataatsimiisitsinerit qaammat januar 2006 naatinnagu ingerlanneqareersimassasut. Taassuma kingorna suliaq kommunalbestyrelsep ataatsimiinnerani 7. februar 2006 aallartittumi ilanngunneqassasoq.

Kommunalbestyrelse aamma aalajangerpoq Nuup Kommune aamma Sisimiut Kommune attavigineqassasut tipisiorneqarlutillu Maniitsup Kommuneanik suleqateqarsinnaanissaannut qanoq nalilersuinerat eqqarsaatigalugu.

November 2005-imi atorfilinnik inuttaqartumik suleqatigiissitaliorto qarpoq Nuuk aamma Maniitsup akornanni, taassumalu suleqatigiissitap suliasaralugu kommuunit taakkua pineqartut akornanni suleqatigiiffiusinnaasunik ujartuinissaq.

Nuuk Kommune-ata Aningaasaqarnermut ataatsimiititaliaa Maniitsumut tikeraarpoq ulloq 6. januar 2006, Aningaasaqarnermut ataatsimiititaliat marluusut ataatsimeeqatigiiffigisaannik, eqqartuiffiuvoq kommuunit marluusut akornanni suleqatigiiffiusinnaasut.

Borgmester, Kommunaldirektør aamma immikkut suliaqartitaq Sisimiut Kommunea-niit Maniitsumut tikeraarput 18. januar 2006, Aningaasaqarnermut ataatsimiititaliaq ataatsimeeqatigaat. Kommuunit pineqartut marluusut isumaqatigiissutigaaq suleqatigiinnissamik isumaqatigiissutissamik siunnersuusiorniartutik.

Innuttaasunut tamanut ammasumik ataatsimiisitsisoqariaraluarpoq ulloq 30. januar 2006, takkuttukinnerujussuali pissutigalugu ataatsimiisitsinissaq kinguartinneqarluni 8. februar 2006-mut. Ataatsimiisitsinermi ersarissamik isummersorto qarpoq suleqatigiinneq/kattunnissaq Sisimiut-nut sammisariaqarneq Nuuk-muunngitsoq.

Kommunalbestyrelsep ulloq 9. februar 2006 ataatsimiinnermini aalajangerpoq:

- Nuuk Kommunea-lu kattunnissaq siunertaralugu isumaqatiginninniarnit unitsinneqassasut
- Suleqatigiissitaaq atorfilinnik inuttaligaq Nuuk Maniitsup-lu akornanni pilersinneqartup atorunnaarsinnissaa.
- Sisimiut Kommunealu isumaqatigiinninniarnit aallarnisarneqassasut, aammalu pisortatigoortumik pitutorfiusumillu suleqatigiinnissaq kommuunit taakkua akornanni aallartinneqassasoq.
- Maniitsup Kommunea-ta kissaatiginnikkaa Sisimiut Kommune-alu imminnut kattunnissaat, kisanili taamaallaat eqqartorneqarluni suleqatigiinnissaq.
- Maniitsup Kommune pinngitsaalineqassagaluarpat kattuttariaqarnermik nipilimmik, taamaasappallu Sisimiut Kommunealu kattuttariaqarnissaq.

Kommunalbestyrelsep inassuteqaatai immikkoorto qarfiit assigiinngitsut pillugit qupperneri tulluuttuni takuneqarsinnaapput.

Inussiarnersumik Inuulluaqqusilluta.

Søren Lyberth
Borgmester

Mogens Hansen
Kommunaldirektør

Kapitali 1

Aallaqqaasiut Aaqqissussaanermullu Isumalioqatigiissitat inassutaat.

”Aallaqqaasiut Aaqqissussaanermullu Isumalioqatigiissitat inassutaat” annertunerusumik kapitalinik naalisaaneruvoq, kisiannili inassuteqqaatit piffissalersukkat inatsisitigut ajornannginnerulersitsiniarnerupput, isumaliutissiissutillu sinnerani eqqaaneqarpiarnatik.

- a) Isumalioqatigiisitat inassuteqaatigaa, Kommune nutaat 1. maj 2009 aallarnerfigalugu pilersinneqaasut aammalu Namminersornerullutik Oqartussaniit oqartussaaffiit qinigaaffik 2009-2013 ingerlanerani tunniussuunneqassasut.
- b) Isumalioqatigiisitat inassuteqaatigaa 2007-ip ukiaanerani Kommunalbestyrelse-ssamut qinersisoqassasoq qinigaaffiusussamut 2009-2013, ikaarsaariarfik 1. januar 2008-miit 1. maj 2009 tungaanut ingerlassaaq, taamaalilluni massakkut Kommunalbestyrelse aammalu Kommunemi angisuumi Kommunalbestyrelse-ngortussat ingerlaqatiikkallassapput.
- c) Isumalioqatigiisitat inassuteqaatigaa, ikaarsaariarnermi ataatsimiititaliani aalajangiinerit akisussaaffigissavaat, maannakkut qinigaaaffimmi atuuttumiik qaangiisut.
- d) Isumalioqatigiisitat inassuteqaatigaa, inatsisitigut ajornannginnerulertitsinerit pisariaqartut, piumasarineqartut pisussaaitaaffiit oqartussaaffiillu Namminersornerullutik Oqartussanut, Kommune-nut aammalu innuttaasunut paasinarnersillugit.
- e) Isumalioqatigiisitat inassuteqaatigaa, nalunaarutit, cirkulærer-it nalilersoqinneqartaliaqartut aammalu aalajangersakkat aqutivallaannginnissaat pillugit, nammatassat suliassallu pitsaanerusumik allanngortinnerisigut aammalu pitsaanerusumik suliassatigut ingerlatineq ajunnginnerulersillugu.
- f) Isumalioqatigiisitat inassuteqaatigaa naammagittaalliortanermut tungatillugu ajornannginnerusumik ingerlanneqartariaqartoq, tassani toqqaannartumik pisortaqarfinnut naammagillaalliutinik ingalltsisoqarsinnaasariaqartoq.

Isumalioqatigiisitat inassuteqaatigaa, Ombudsmandeqarfiup taamaallaat (principielle) suliassat ingerlatissaagai.

Inassuteqaatit:

Kommunalbestyrelsemi amerlanerussuteqartut inassuteqarput suliniut tamarmi ukiumik ataatsimik kinguartittariaqartoq, aallarnisaanermi suliniutit piffissaqarfigineqarluartumik suliarineqarniassammata, kommuuninilumi atituumik peqqissaartumillu piareersarneqarniassammata.

Kommunalbestyrelsep inassutigaa marlunnik kommunalbestyrlseqartoqannginnissaa piffimmi alloriarfiussami, ullumikkut kommunalbestyrelseusoq kattunnissaq piviusunngornissaa tikillugu sulisariaqarpoq.

Kommunalbestyrelsep isumaqatigaa sutigut tamatigut pisariillisaasoqartariaqarnera.

”Kommunit nutaat” taannassagunarpoq tamanik eqqumaffigineqarnepaasusaaq, tassami Kommunit qanoq kattussuussinnaaneranik isumalioqatigiisitap periarfissatut isigisaat.

- a) Isumalioqatigiisitap inassuteqaatigaa Kommunini nutaani innuttaasut ikinnerpaamik 8000-iusariaqarput pisortat suliassaataasa pitsaasumik isumagineqarnissaannik piunasaq aningaasatigullu atasinnaasutsmik piunasaq naammassineqassappata. Pisortatigut suliassaatit takusinnaasariaqartut tassa suliassat angisuut peqarmata Namminersornerullutik Oqartussaniit Kommunerussuarnut nuunneqartussatut ilimagineqartut Kommunillu kivissinnaasariaqarpaa suliassatigut, sulisutigullu pisinnaasat sulisunut innuttaasunullu iluaqutaasussamik.
- b) Isumalioqatigiisitap inassuteqaatigaa Kommunit aaqjissuussaananeratt Kommunerujussuit sisamaassasut, Kommunerusuit ilusilersorneranni Sisimiut Kommunea tamatigut Maniitsup Kommunea-nut kattunnissaat siunnersuutigaat Periarfissaq 1-mi Ittoqqortoormiit aammalu Ammassalik Kommune ilanngullugit kattunneqarnissaat siunnersuutaavoq aammalu periarfissat pingajuanni Kangaatsiaq Kommune ilaalluni.
- c) Isumalioqatigiisitap inassuteqaatigaa Kommunit 2006-ip nalernerata tungaanut qanoq kissaateqarnerlutik aammalu kikkut kattusseqatigisinnaallugit kissaateqassasut aammalu suli aalajangersimangitsut inatsisitigut kattunneqarnissaat pineqassammat.

Inassuteqaatit:

Ledergruppe-p kissaatiginnilaa Maniitsup Kommunea kommuunimut allamut kattutissasooq.

Kommunalbestyrelse isumaqanngilaq kattunnissaq pisariaqartoq, kommuunimmi akunnerminni suleqatigiinnissamik isumaqatigiissuteqarsinnaammata, kattutinngikkaluarlutik.

Kommunalbestyrelse isumaqarpoq nalilersoqqittariaqartoq kattunnissaq eqqarsaatigalugu, Maniitsup Kommuneata kissaatigisinnaavaa suleqatigiissinnaaneq kommuunit sanilerisat eqqarsaatigalugit.

Kommunalbestyrelsep kissaatigaa Sisimiut Kommunea-nik suleqateqarnissaq aallartinneqassasooq, taassumalumi kingunerisaanik naalakkerneqassagutta kattuttariaqarnermik nipeqartumik kommunalbestyrelsep kissaatigaa Sisimiut Kommunealu kattuttariaqassasugut.

Kommunalbestyrelse aammattaaq isummerpoq piviusorsioortuunngitsoq kommuunit angisuut sisamaassappata, ingerlasinnaanngillat kommuunit taama isikkoqassappata.

Kommunalbestyrelse isumaqarpoq kap. 2 nalilersoqqittariaqartoq.

Kapitali 3

Sumiiffinni oqartussaaqataaneq aqutseriaatsillu nutaat

”Sumiiffinni oqartussaaqataaneq aqutseriaatsillu nutaat” imaappoq pisortani sullissiviit aaqqissuuteqqinnerani siunissami ilusissai.

- a) Isumalioqatigiisitap inassuteqaatigaa siunissami marluinnik qinikkanik sulisoqassasoq tassalu: Inatsisartut aammalu Kommunalbestyrelse.
- b) Isumalioqatigiisitap inassuteqaatigaa Kommunalbestyrelse-ni amerlanerpaamik 17-nik ilaasortaqaassasut.
- c) Isumalioqatigiisitap inassuteqaatigaat sumiiffinni innuttaasut oqartussaaqatanerat atuisut siulersuisuisigut qulakkerneqassasoq.

Isumalioqatigiisitap inassuteqaatigat sulissutigutigissagaat suliffeqarfik ataatsimoortumik siulersugaanissaat, taamaalilluni tamatigoortumik iluaqutaasinnaaqqullugit.

Inassuteqaatit:

Ledergruppe naluaa qanittumik oqartussaaqatigiinneq innuttaasunillu kiffartuussineq qanoq ingerlassanersoq Maniitsoq Kommune kommuunerujussuannngortinneqassappat.

Kommunalbestyrelsep isumaqatiginngilaa siunnersuut qinikkat marloqiusatut inissinneqassappata. Taamaattoqassappat qanitariilluni oqartussaaqatigiinneq peeruttussaammat.

Kommunalbestyrelse isumaqarpoq immikkoortut pingasuusariaqartut tassa Nunatta Inatsisartui- Kommunalbestyrelse- Nunaqarfinni Aqutsisut.

Kommunalbestyrelsep isummerfigiuminaatsippaa annerpaaffissatut siunnersuutaasup tassa Kommunalbestyrelse 17-nik ilaasortaqaassasoq.

Kommunalbestyrelsep atorsinnaasorinngilaa atuisut siulersuisoqartinneqassappata nammineq piumassuseq malillugu akissarsiaqaataannngitsumillu politikikkut suliniartunik ingerlasoqassappat. Kommunalbestyrelse isumaqarpoq ingerlasoqarsinnaanngitsoq taamatut assersuutitullu siulersuisut ullumikkut taaneqarsinnaasut iluamik ingerlanngitsut taaneqarsinnaapput: atuarfiit siulersuisui- ineqarfiit siulersuisui.

”Sumiittinni kiffartuussiviit aammalu IT-mut” tunngatillugu siunnersuuterpaaloqarpoq IT-mut atortorissaarutit pitsanngornerusinnaanerannik taamaalilluni innuttaasunut aammalu pisortat suliffeqarfiutaani pitsaanerusumik sullissinissaq anguneqassammat.

- a) Isumalioqatigiisitap inassuteqaatigaa videokonference-it atorlugit Kommunalbestyrelse aamma ataatsimiititaliani atorneqartarnissaat inatsisiliuutequllugu.
- b) Isumalioqatigiisitap inassuteqaatigaa nunaqarfinni sumiiffinni kiffartuusivinnik pilersitsisoqassasoq, innuttaasut ornillugu sunut tamanut pisortat sullissiviinut anngussinnaanngorlugit.
- c) Isumalioqatigiisitap inassuteqaatigaa pisortatigut ikiorsiissutaasartut sapinngisamik automatisk-mik tunniunneqartassasut.

Inassuteqaat:

IT-mut tunngatillugu ajunngilluinnartunik siunnersuuteqarput. Maluginiarneqartariaqassaaq Kommunit Namminersornerullutik Oqartussallu suliniutigaat tamakkua pitsanngorsanerat, kisannili Kommunit iluminni aammalu Namminersornerullutik Oqartussani ataatsimoortumik isumaqatigiissumik isumaqatigiissinnaangimmata.

Maniitsup Kommunea-ta ilimagisariaqarjaa immikkut aningaasaliisoqartariaqarmat.

Inassutigineqartut tapersersuinnarsinnaavakka isumalioqatigiisitap nalunaarusiaaniittut, pitsaalluinnartut nalilersinnaagakkit.

Aningaasaqarnermut Ataatsimiititalip inassuteqaatit isumaqataaffigivaat.

Kommunalbestyrelsep pineqartumut inassuteqaataasut isumaqataaffigai.

Kapitali 5 Sulisogarneq

Sulisogarneq"-mi imarivaa sulisogarneq pillugu inatsiseqarneq

- a) Isumalioqatigiisitap inassuteqaatigaa pisortat suliffeqarfiutaani sulisut tamarmik aaqqissuussaanerup allangortinneqarneranit kallarneqartussani suliffissaqarnissaannik neriorsorneqassasut.
- b) Isumalioqatigiisitap inassuteqaatigaa sulisut suliassatik nooqatigalugisassagat, aammalu atorfeqartitat ataasiakkat suliassaqarfiinik annertunerulersitsineq ilinniaqqinnissamik neqaerooruteqarnermik malitseqartinneqartaassasoq.

Inassuteqaat:

Iluoorpoq aammalu pisariaqassalluni suleqataasut suliffissaqarnissaannik neriorsorneqassasut allangortiniarneq taama annertutigittillugu.

Maniitsup Kommunea-ta ilimagisariaqassavaa annerusumik aningaasartuuteqarnissaq.

Inassutigineqartut tapersersuinnarsinnaavakka isumalioqatigiisitap nalunaarusiaaniittut, pitsaalluinnartut nalilersinnaagakkit.

Sipaaruteqarnissamik ilimasaarinnermut tunngatillugu takuuk kapitali 15 sulisunik ikilerinnermut tunngasoq, suliffissaqarnissaannik neriorsuinissaq pillugu ataatiinngillat.

Suliassanik kivitsisinnaanerit pillugu sulisumik annertuumik ilinniartitseqqiisoqassaa.

Pisortaqaartiit isumaqarput kapitali 5 eqqarsaatigeqqittariaqartoq qulaani taaneqartut pillugit.

Aningaasaqarmermut Ataatsimiititaliap inassutigineqartoq isumaqataaffigaat, aammalu ataatsmiititaliaq isumaqarpoq sulisut "tamanik ilisimasalittut" sulisinneqarnissaat tamanna kukkuneruvoq, iluatsissinnaananilu.

**Kommunalbestyrelsep Aningaasaqarnermut ataatsimiititaliap inassuteqaatai
isumaqataaffigai.**

Kapitali 6

Akilerartarnek akiliisitsiniartarnerlu.

Akilerartarnek akiliisitsiniartarnerlu Inatsisartuniit oqariatuutigineqareerpoq qanoq iliuseqarfineqassanersoq.

- a) Isumalioqatigiisitap inassuteqaatigaa akilerartarnek, akitsuutilerineq, akiliisitsiniartarnerlu qitiusumiilissasut.

Inassuteqaat:

Akilerartarnermut akiliisitsiniartarnermullu tunngatillugu qitiusumik aammalu regionalisering-imut sulisut paasisinnaangilaat angisuunut marlunnut immikkoortortaqaalernissaq, tassami pisariaqavippoq sumiiffinni ilisimasaqarluarnissaq, Kommunit immikkoortoqarfiini allaanerusumik ingerlaltoqarniarpat paasinangilaq.

Sumiiffinni ilisimasaqarluarneq aammalu innuttaasunik suleqatigiineq pingaarutilerujussuuvoq immikkoortoqarfinni marluussuni.

Akilerartarnermi Pisortaqarfiup isumassarsiaa, tikisitanik ilinniarluarsimasunik qitiusumi sulisoqarlernissaq, politikkerit kalaalinnngorsaanerannut isumaqataannngilluinnarpoq aammalu annilaangatigisinnaavarput sulisut marluinnik oqaasillit pikkorissut annaanissaat.

Akilerartarnek:

Akilerartarnermi Pisortaqarfiup qitiusumik katersorneqarnissaa pillugu isumaqataaffiginnilaa taama pitsaartigisumik kommunitut sullissilernissaat, kommunit pikkorissut marluinnillu oqaasillit pigereematigit.

Tassunga atatillugu tikkuassavarput mianersuaalliornerussaaq pilersaarumik 01.01.2007-imi akilerartarnermut immikkoortoqarfik tiguneqassappat, tassami pilersaarutininik sulit takusaqanngilagut.

Sulisuniit sukannersumik piumasarissavarput allannguutissatut siunnersuutaasimasut nalilersorneqaaqqittariaqartut aammalu tassunga tunngatillugu ammasumik oqallittoqartariaqartoq.

Akiliisitsiniartarnek:

Akiliisitsiniartarnermut qitiusunngorsaanisumik pilersaarummilluunniit sulit takusassaqaqngilaq taamaattumik oqaaseqarfigiuminaapoq.

Taamaallaat paasissutissiisutigineqaannarpoq 01.01.2008-imi qitiusunngorsaaneq aallartissasoq.

Kisiannimi mannakkut ilisimatitsissutigissavarput kommunit akiligassallit ataasiakkaat aammalu akiliisinnaangitsutut taaneqarsinnaasut annaaneqassammata.

Akiliisitsiniartarnermi suliasat ataasiakkaat illoqarfimmi allamiit takuneqarsinnaangiluinnartumiit suliarineqalerpata "systemerme" takusinnaangilaat.

Tamannalu kinguneqassaaq akiisut amerliartornerannik.

Akilaraartarnermituulli inassutigissavarput nalilersoqqinneqartariaqartoq.

**Aningaasaqarnermut Ataatsimiititaliap isumaqarpoq Kommunerussuarnik sisamanik
pilersitsisoqassappat namminneq Akilaraatarne aammalu akiliisitsiniartarnerit
isumagilluarsinnaallugit.**

**Aningaasaqarnermut Ataatsimiititaliaq isumaqarpoq kapitali 6
nalilersoqqinneqartariaqartoq.**

Kommunalbestyrelsep isumaqatigaa kap. 6 nalilersuiffigineqaqqittariaqartoq.

Kapitali 7

Ilaqutariinnik isumaginnineq.

Ilaqutariinnik isumaginnineq” siulliit ilagaat isumaliutissiissumiit, quleqquttat ingerlariaqqifiigisaanni tassa naalakkersuisoqarfinnut: uani Ilaqutariinnermut pisortaqarfik

- a) Isumalioqatigiisitap inassuteqaatigaa ulloq unnuarlu paaqqinnittarfiit, Innarluutilinnullu paaqqinnittarfiit, pisortatigut utoqqalinersiuutillit, erninersiuuteqartitsineq, ineqarnermullu tapiisarnerit meeqqanut tapit aammalu akiliuteqartitsisarnerit kommuninut nutaanut nuunneqarnissaat.

Inassuteqaat:

Inunniik isumaginnineq aammalu peqqinnisaqarnermut inassuteqaataasut tamangajalluinnarmik isumaqataafigineqarput ukuusullu:

- Pisortatigut ikiorsiissutit.
- Innarluutilinnut sullissinerit
- Ulloq unnuarlu meeqqanik paaqqinnittarfiit
- PPR
- Sulisunik pikkorissaaqqineq
- Peqqinnissaqarfik

Inunniik Isumaginninnermut Ataatsimiititaliap Isumalioqatigiisitap inassuteqaataat taperserpaat aammalu Aningaasaqarnermut ataatsimiititaliamut inassuteqarpoq tapersiinnissaanik, tassami Inunniik Isumaginninnermi pitsanngorsaatinik nassataqartussaammat aammalu Namminersornerullutik Oqartussat Kommunillu akornanni allaffissornerujussuaq annikillisinneqartussaammat, suliassallu aningaasaliissutissatut qinnuteqaataasartut / aningaasaliissutillu pitsaanagerusumik suliarineqartallissapput innuttaasunullu sullissilluarnermik kinguneqartussaalluni, Kommunillu annerusumik aningaasartuutitigut aqqutsilluarsinnaalissalluni Innarluutilinngut tunngatillugu, siusinnerusukkut Ilaqutariinnermut pisortaqarfimmiit itigartitsissutaasartut aammalu Kommunit Namminersornerullutik Oqartussallu akornanni isumaqatigiinngisutaasartut atorunnassapput.

Inunniik Isumaginninnermut Ataatsimiititaliap ilimagivaa sulisut isumaginninnermi suliaqartut pikkorissarneqarnissaat.

Aningaasaqarnermut Ataatsimiititaliap inassutigineqartut isumaqataafigaat.

Kommunalbestyrelsep inassuteqaatigineqartut isumaqataaffigai.

Kapitali 8

Peqqinnissaq

” Peqqinnissaq” –p imarivaa Peqqinnisami Pisortarfik-

- a) Isumalioqatigiisitap inassuteqaatigaa peqqinnissaqarfik Namminersornerullutik Oqartussani tigummiinnarneqarnissaa. Isumalioqatigiisitap ilanngullugu inassuteqaatigaa imerajuttunut katsorsaaneq, peqqissaaneq, angerlasimaffinnilu napparsimasunik ikiuineq aammalu pitsaaliuinerup ilaa kommuninut tunniunneqassasut.

Inassuteqaat:

Peqqinnissaqarfimmut tunngatillugu Inunnik Isumaginninnermut Ataatsimiititaliap Isumalioqatigiisitap inassuteqaataat isumaqataaffigaat kisiannili inassutigalugu pitsaaliuinnermut tunngatillugu annertusaasoqartariaqartoq, Inunnik Isumaginninnermut Ataatsimiititaliap Aningaasaqarnermut Ataatsimiititaliamut inassutigaa inassuteqaatertik tapersissagaat.

Aningaasaqarnermut Ataatsimiititaliap inassutigineqartut isumaqataaffigaat.

Kommunalbestyrelsep inassuteqaatigineqartut isumaqataaffigai.

Kulturi, Ilinniartaaneq, Ilisimatusarneq aamma Ilageeqarneq

”Kulturi, Ilinniartaaneq, Ilisimatusarneq aamma Ilageeqarneq KIIP-p iluaniipput.

- a) Aaqqissussaanermut Isumalioqatigiissutat inassutigaat ilinniartitaaneq suliassaqarfittut Namminersornerullutik Oqartussaniiginnassasoq, tassa ilinniarsiit Nunamut tamarmut atortuummata, suliassatigullu inuiaqatigiit immikkoortuinut aalajangersimasuinnarnut tunngassuteqaratik.
- b) Kisianni Aaqqissussaanermut Isumalioqatigiissitat inassutigaat kollegianik ingerlatsineq sanaartornerlu, meeqqat atuarfiinik sanaartorneq, siunnersuisarfik PPR, Najukkani Ilinniarsiit kiisalu efterskolemiinnermut tapiissuteqartarneq kommuninut nutaanut tunniunneqassasut.

Siunnersuut:

Aaqqissussaanermut Isumalioqatigiissitat isumaliutissiissutaat aamma Inatsisartunut ilaasortat oqaaseqaateqarnerminni inassutigineruvaat kommunit kattussuunnissaat, suleqatigiinnissaq pinerunagu – aammalu allaffissornikkut aningaasartuutit millisinneqarnissaat, qitiusumik kommuninilu, assut pingaartillugit tunngavilersuutigineqarput. Tassa apeqqaagaaginnalerpoq aaqqissuussineq qanoq ittoq naggataatigut anguneqassanersoq.

Assut takorlooruminaappoq uagut ingerlatsivitta maannakkut qanoq iluseqarnini ingerlatiinnarlugu ingerlaannarnissaa, tassa pisariaqartarmat ingerlatsivik politikikkut aqutsiveqarfimmu qanittumi inississallugu. Tamanna tunngavigalugu takorloorneqarsinnaavoq atuarfiit, meeqqeriviit, bibliotekit, fritidsklubbit aallallu sunngiffimmi sammisasaqartitsiniarnermi suliaqartut aqunneqarnerat sumiiffimmut ataatsimut inissinneqassasoq.

Atuisartut oqartussaaqataanerisa qanoq innissaata qanorlu annertutiginissaata politikarinit isummerfigineqarnissaa sumiiffinni sullissiviit inerisarnerannut ingerlannerannullu pingaaruteqassaaq.

Aamma suliffeqarfiit ataasiakkaat arlallillu namminneerlutik ingerlatsisinnaanissaasa qanoq annertutiginissaat aqutsinikkullu periarfissaqarnissaat atuisut oqartussaaqataaanissaannut sunniuteqassaaq. Atuarfinni bestyrelsit sannguequtaannut ilaalluinnarpoq aningaasartuutissat pingaaruteqartut ilaannut amigartumik oqartussaassuseqartarneq – tamatumunnga ilaatigut pissutaavoq atuarfinni ataasiakkaani aqutsinikkut periarfissakittarneq.

Pingaartuuvoq sanaartornermut iluarsartuussinermullu, soorlu atuarfiit eqqarsaatigalugit, aningaasaliissutit pigiinnarneqarnissaat tunniunneqartarnissaallu, qanoq annertutigineri qulakkeerlugit – minnerunngitsumik piffissami ikaarsaariarfimmi.

Siunnersuut: Politikikkut aalajangiinissat sapinngisamik piaartumik pissasut. Taakku pitinagit allaffissornikkut aqutsinikkullu kingunissaat takorlooruminaammata.

AALAJANGIINEQ: Siunnersuut akuersissutigineqarpoq.

Aaqissuussaannermut Isumalioqatigiissitat inassuteqarnerat økonomiudvalgip isumaqatigaa. Kisianni qulakkeerneqassaaq iluarsaanermut aserfallatsaaliinermullu aningaasassat suliassamut peqataatinneqassasut. Iluarsaanissamut suliassat assut annertupput.

Kommunalbestyrelsep inassuteqaataasut isumaqatigai, isumaqatigalugulu aningaasat aserfallatsaaliinermut iluarsaanermullu atugassat qulakkeerneqarnissaat suliassiinermut atatillugu.

Inuussutissarsiorneq, Nunalerineq Suliffeqarnerlu

”Inuussutissarsiorneq, Nunalerineq Suliffeqarnerlu”, tassaapput suliassaqarfiit Pisortaqaarfimmi taamatut taaguutilimmiittut.

- a) Aaqqissuussaannermut Isumalioqatigiissitat inassutigaaq inuussutissarsiornermik siunertaqartunut tapiissuteqartarnermut aaqqissuussinerit qitiusumik aquneqarnerat ingerlaannassasoq.
- b) Aaqqissuussaannermut Isumalioqatigiissitat inassutigaaq suliffissaqartitsiniarnermik ingerlatsineq kommuninut nutaanut tunniunneqassasoq.
- c) Aaqqissuussaannermut Isumalioqatigiissitat inassutigaaq innaallagissamik- kiassarnermik- aamma imermik pilersuineq kiisalu nioqqutissanik pilersuineq kommunut nutaanut tunniunneqassasut.

Inuussutissarsiornermi immikkoortortamut siunnersuut:

Suliffeqarfinnut kommunip tapiisarnerata atorunnaarsinneqarnerata kingunerissavaa kommunip pilersitsiniarnermut tapiissuteqartarunnaanera, akissarsianut tapiissuteqartarunnaanera allatulluunniit aningaasanik tapiissuteqartarunnaanera. Inuussutissarsiornermi suliniutini kommunip sule peqataasarsinnaanera, soorlu pappiaranik piginneqataassutini – aktienik – peqarnikkut imaluunniit bank-imut qularnaveeqqusiisarnikkut, tamakku isumaliutissiisummi erseqqissumik taaneqarsimanngillat.

Siunnersuineq tapersiisarnerlu sumiiffimmut ataatsimut amerlanngitsunulluunniit katersorneqassapput, tassani immikkut ilisimasaqartut aallarnisaasuussallutik imaluunniit suliffeqarfinnik saaffiginittunik ikiorsiisassallutik. Qullersaqarfiit taakku Namminersorerullutik Oqartussat ataanut inissinneqarsimapput. Kissaatiginarpoq Kalaallit Nunaanni Takornariatitsinerimut- Inuussutissarsiornermullu siunnersuisoqatigiit siunissami saqquminerulernissaat, taamaalilluni nalunannginnerussamat kimut sumullu ikiortissarsiortoqarsinnaanersoq.

Qitiusumik ilitsersuisarfissanik- aallartisaasarfissanillu pilersitsinikkut sulisunik pikkorissunik aalajaatsunillu pissarsiniarnerup anguniarneqarnera nukittorsarneqassagaluarpoq. Kommunit qitiusumik sullissivinni ilitsersuisartunik siunnersuisartunillu ilinniarsimasunik sulisoqalissagaluarput. Qitiusumik sullissivinnik pilersitsinikkut aamma inuussutissarsiornermik ingerlataqartut maanakkorniit qaninnerusumik suleqatigineqalissagaluarput.

Teknisk udvalgimut siunnersuut:

Aaqqissuussaannermut Isumalioqatigiissitat inassutigaaq, innaallagissamik- kiassarnermik- imermillu pilersuineq kommuninut nutaanut tunniunneqassasoq. Tassani eqqumaffigineqassaaq pilersuiviit nutaanik taarserneqarnissaannut iluarsarneqarnissaannullu kinguaattooqqaneq uppenarsaatissaqarmat. Assersuutigalugu Maniitsumi kiassarnermut pilersuiffimmik nutaamik sananissaq pilersaarutigineqarsimavoq. Assut pingaaruteqarpoq aaqqissuusseqqinneq aallartitsinnagu pilersaarutit tamakku naammassineqarsimanissaat, tamakkununnga aningaasartuutissat annertuut kommuninut nammakkersuutaqqunagit. Aamma pilersuiffiit tamakku kommuninut tunniunneqartussat qanoq inneri assut assigiinngissuteqassapput. Soorlu imeq atorlugu nukissiornermik pilersuiffik nutaaq Nuummur tunniunneqassaaq, akerlianillu kommunit allat tunineqassapput nukissiorfinnik oliatortunik pisoqqanik nungullarsimasunillu. Assigiinngissutit taakku eqqarsaatigalugit aningaasatigut oqimaatigitiissaarineq ingerlanneqartariaqarpoq.

Pilersuinerup kommuninut tunniunneqarnerata pitsaaqutigissavaa sanaartorfigiuminarsaanerup piuminarnerulernissaa, tassa suliaq kommunimit Nukissiorfimmiilu avinneqassaassamat.

Innaallagissamik- imermik- kiassarnermillu pilersuineq teknikikkut suliaqarfiuvoq annertoq. Eqqarsaatigeqqissaartariaqarpoq misilittakkap tamatuma Nukissiorfiit ineriartortissimasaata kommunialunnguanut agguataarneqarnissaa naleqquttuunersoq. 1998-imi akerlerluinnaanik pisoqarpoq, taamani Nunaqarfinni aqqusinniorneq, innaallagissamik- imermillu pilersuineq kommuninit isumagineqarunnaarsillugu Nukissiorfiit ataanut inissinneqarmat. Taamaamat kommunini teknikikkut immikkoortortat maannakkut atuuttut sulisoqanngillat pilersuinerup pineqartunik ilisimasaqarluartunik.

Teknikkimut Avatangiisinullu ataatsimiititaliap tikkuarpaa, isumaliutissiissummi inassut aamma bilag 2-mi konto 64.12-imi oqaaseqaataasut akornanni isumaqatigiinngittoqartoq, ataatsimiititaliarlu isumaqarpoq pilersuineq misissoqqissaagassat ilaattut inissittariqartoq.

Økonomiudvalgi isumaqarpoq, kap. 10 a naliliffigeqqittariaqartoq, sumiiffinni assigiinngitsuni suli inuussutissarsiornermut siunertalinnik tapiissuteqartarnissamut periarfissaqarniasamat.

Kap. 10 B pillugu økonomiudvalgip teknikkimut avatangiisinullu ataatsimiititaliaq isumaqatigaa, tassa iluarsartuussinissamut aserfallatsaaliinissamut aningaasat malinnaatinneqarnissaat qulakkeerneqassasoq.

Økonomiudvalgi isumaqarpoq kap. 10 c tamarmi suli qitiusumik inissisimassasoq, aammalu nalilersoqqittariaqartoq.

Kommunalbestyrelse isumaqarpoq kap.10 a nalilersoqqittariaqartoq, ima paasillugu, inuussutissarsiutinut tunngasunut tapiisinnaanermik periarfissaqartitsisoqartariaqartoq.

Kommunalbestyrelsep isumaqatigaa kap.10 b tunniunneqartariaqartoq qulakkeertariaqartorli aserfallatsaaliinermut iluarsaanermullu aningaasaliissutit aningaasartuutissat malinnaasinneqarnissaat.

Kommunalbestyrelsep isumaqatigaa kap. 10 c qitiusumiitinneqarnissaa pineqartorlu nalilersuiffigineqaqittariaqartoq.

”Avatangiisit” avatangiisinut pisortaqarfiup iluaniipput.

- a) Aaqqissuussaannermut Isumalioqatigiissitat inassutigaat ingerlatsiviit- nakkutilliviillu arlallit maannakkut avatangiisinut pisortaqarfiup ataani inassisimasut kommuninut nutaanut tunniunneqassasut.
- b) Aaqqissuussaannermut Isumalioqatigiissitat inassutigaat, kommuneplaninut tapiliussat lokalplan-illu pilersarusiortarnermi ataatsimoortinneqalissasut, tamatumalu peqatigisaanik pilersaarusianik tamakkuninnga aalajangiisinnaatitaaneq Namminersornerullutik Oqartussaniit kommuninut nuunneqassasoq.
- c) Aaqqissuussaannermut Isumalioqatigiissitat inassutigaat, nunaannarmi nunaminernut oqartussaaneq Namminersornerullutik Oqartussaniit kommuninut tunniunneqassasoq.

Siunnersuut:

Avatangiisit pillugit immikkoortortami inassutit ataatsimut isigalugit silatusaarpassipput. Kisianni nunamernit illersukkat eqqissisimatitaasullu pillugit sulinerup nakkutiginninnerullu tunniunneqarnissaat apeqquserneqarsinnaavoq. Nunamernit illersukkat imaluunniit eqqissisimatitaasut atornerqartarnerat pillugit sumiiffinni assigiinngitsuni qitiusumilu oqartussaasut akornanni soqutigisat eqqarsaatigalugit isumaqatigiittoqartuaannarunangilaq. Aamma suliassaq taanna pitsaanerpaamik biologinik tigummineqarsinnaavoq, kommunillu biologinik sulisoqarneq ajorput. Kommunit nutaat annerulerualarunilluunniit ima biologimik siliassaqartitsitiginaviangillat biologimik atorfinitsitsinissaq imminut akilersinnaassalluni.

Pilersaarusiornermut inatsisip (planloven) pisariillisarneqarnissaanut siunnersuut ajunngilaq. Taamatullu nunaannarmi nunaminertanut oqartussaanerup kommuninut tunniunneqarnissaa ajorani.

Teknikkimut avatangiisinullu ataatsimiititaliaq isumaqarpoq avatangiisit pillugit inassuteqarnerit silatusaarnerusut.

Økonomiudvalgi isumaqarpoq kap. 11 a qitiusumik inissisimaannassasoq, aammalu kap. 11 b aamma c kommuninut tunniunneqassasut. Kap. 11 a nalilersuiffiqittariaqarpoq.

Kommunalbestyrelsep isumaqatigaa kap. 11 a qitiusumiiginnassasoq, nalilersuiffiqittariaqartorli, aammalumi kap 11 b aamma c kommuuninut tunniunneqartariaqartut.

Ilaasunik usinillu angallassineq assartuinerlu

”Ilaasunik usinillu angallassineq assartuinerlu”, tassani pineqarput suliaqarfiit ataqatigiinnermut ineqarnermullu pisorta qarfiup ataaniittut.

- a) Aaqqissuussaanermut Isumalioqatigiissitat inassutigaaq mittarfiit umiarsualiviillu iluarsarneqar-nissaat aserfallatsaalineqarnerallu, kiisalu mittarfiit ingerlanneqarnerat kommuninut tunniunne-qassasut.
- b) Aaqqissuussaanermut Isumalioqatigiissitat inassutigaaq nioqqutissanik pilersuinerlut, umiar-suartigut timmisartutigullu angallanneq pillugit siunissami isumaqatigiissutaasarumaartussat pil-lugit isumaqatigiinniartarnissamut akisussaaneq kommuninut nutaanut tunniunneqassasoq.

Siunnersuut:

Aaqqissuussaanermut Isumalioqatigiissitat inassutigaaq, umiarsuartigut timmisartutigullu angallan-neq pillugu sullissinikkut isumaqatigiinniartarnerit kommuninut nutaanut tunniunneqassasut. Oqaa-tigiuminaappoq tamanna isumassarsiaq pitsaasuunersoq. Angallannermi pilersaarusiordermi kom-munit namminneq soqutigisaminnik pingaartitsisinnaapput, kisiat angallassinermut aaqqissuussineq Nuna tamakkerlugu atuuttoq ataqatigiissorlu angujuminaassinnaavoq ataqatigiissarineq qullersati-gut ingerlanneqanngippat.

Teknikkimut Avatangiisinullu Ataatsimiititaliaq isumaqanngilaq, sullissinermut isumaqati-giinniartarnerit kommunip tigummissariaqarai.

Inassutigineqarportaaq umiarsualiviit nutarternerinut, aserfallatsaaliornerinut ingerlanneqarneran-nullu akisussaaneq kommuninut tunniunneqassasoq. Tassani aamma innaallagissamik pilersuiner-tulli eqqumaffigineqassaaq akisussaaffeqarfiit taakku ukiorpassuarni Namminersornerullutik Oqar-tussat Aningaasanut Inatsisaanni tunulliuunneqartarsimammata, taamaattumillu nungullarsimallutik naammakkunnaarsimallutillu. Taamaattumik umiarsualiviit ullutsinnut naleqqunnerusunngorlugit pitsanngorsarnissaat kommuninut nutaanut assut akisusinnaavoq. Pitsaaqutaasussarli unaassaaq kommunit namminneq aalajangersinnaassammassuk umiarsualiviit allaniit sallinngortittassaner-lugit. Naatsorsuutigineqarsinnaagunangilaq umiarsualiviit tunniunneqartinnagit Namminersorne-rullutik Oqartussat pitsanngorsaaneq eqqarsaatigalugu immikkut qanoq iliuseqarnissaat, kommu-niniit sakkortuumik tanertarneqanngikkunik. Kiisalu aamma eqqarsaatigisariaqarpoq umiarsuali-vinnut akiliut – havneafgift – eqqunneqassanersoq, tamatuma umiarsualivinnik ingerlatsineq ani-ngaasalersueqataaffigisinnaammagu.

Tenikkimut Avatangiisinullu Ataatsimiititaliaq isumaqarpoq, kommuni umiarsualiviit tigu-sariaqaraat, aammalu ingerlatsineq akissaqartinniarlugu umiarsualivinnut akiliuteqartitsi-salernissamut inatsisitigut tunngaviliisoqartariaqartoq.

Kiisalu aamma inassutigineqarpoq timisartunut mittarfiit ingerlanneqarnerat atortullu aserfallatsaa-liornerat kommuninut tunniunneqassasoq. Tamanna eqqarsarnartoqarpoq, tassa nakkutilliineq Mit-tarfeqarfiit ataaniiginnassammata. Taamaalilluni oqartussaasutut nakkutilliisoqalissaq kommunit naalaannagassaannik akiligassaannillu peqqusisinnaasumik piumasaqarsinnaasumillu. Tamatuma kinguneranik saqitsaattoqartarnissaa ilimagineqarsinnaavoq. Siunnersuummi ersersinneqanngilaq mittarfiit ingerlanneqarnerat qanoq aningaasalersorneqassanersoq. Tamanna mittarfinnut akiliute-

qartitsisarnikkut pisassasoq eqqarsaatigineqarpat, eqqumaffigineqassaaq isertitarineqarsinnaasut assut assigiinngissuteqassammata, soorlu Ilulissani aamma Nerlerit Inaanni, kisiannili immaqa ingerlatsinermut aningaasartuutit taamatut assigiinngitsiginatik.

Naleqqunnerusorineqarpoq mittarfinnik ingerlatsineq Mittarfeqarfiit ataaniiginnarpat. Umiarsuuliviit mittarfiillu ataatsimut ingerlannerisigut iluanaarutaasinnaasut taaneqartut immaqa anguneqarsinnaapput kommunit Mittarfeqarfiillu suleqatigiinnissamut isumaqatigiissuteqarnerisigut.

Teknikkimut Avatangiisinullu Ataatsimiititaliaq isumaqanngilaq kommunit mittarfinnik tiguisariaqartut.

Sanaartorneq

”Sanaartorneq”, tassani pineqarput suliassat, maannakkut attaveqarneq ineqarnerlu pillugit Pisortaqarfimmiit ataqatigiissaarneqartut.

- a) Aaqqissuussaannermut Isumalioqatigiissitat inassutigaa, Namminersornerullutik Oqartussat sanaartornermi suliassaqrfiniit 450 mill. kr. kommuninut tunniunneqassasut.

Siunnersuut:

Aaqqissuussaannermut Isumalioqatigiissitat inassutigaa, sanaartornikkut suliassaqrfiit makkuusut, inunnik isumaginninnermi sullissiviit, atuarfiit, kollegiat, illut sullissiviit, inissiat Nukissiorfiillu sanaartornermut taarsigassarsiaat kommuninut tunninneqassasut.

Taaneqartoq kingulleq, tassa Nukissiorfiit sanaartornermut taarsigassarsiaat, eqqaassanngikkaanni sinneri kommuniniit, minnerunngitsumillu kommunit teknikkikkut immikkoortotaqrfiisa kommunini sanaartornermik isumaginnittut, tiginissaat ukiorpassuarni kissaatigineqarsimavoq. Siunissaq ungasinnerusoq eqqarsaatigalugu sanaartornissamut pilersaarusiornissamut kommunit periarfissaat pitsaanerujussuannngussapput, nammineq aalajangersinnaalerunikku sanaartornermut aningaasat sumut atorineqassanersut, pilersaarutitut kissaatigisanut Namminersornerullutik Oqartussat tapiisuteqarnissaat utaqqiinnarunnaarlugu. Sanaartornerup naleqqunnerusumik sukkassuseqarluni ingerlanneqalernissaa, kikkut tamarmik oqaluuserisartagaat (ukiumi beton-inik kuioraasarani) angujuminarnerulissaaq sanaartornermi suliassat ukiumoortumut aningaasanut inatsit utaqqiinnarnagu ingerlanneqarsinnaalerpata. Taamaattumik sanaartornermi suliassaqrfiit kommuninut tunniunneqarnissaat kommunit soqutigilluinnartariaqarpaat.

Teknikkimut Avatangiisinullu Ataatsimiititaliaq isumaqarpoq, isumaliutissiisummi inassutigineqartutuut sanaartornermi suliassaqrfiit kommunit tigusariaqaraat.

Sanaartornermi suliassaqrfiit kommuninit tiguineqarnissat økonomiudvalgip isumaqatigaa, kisiat udvalgi isumaqanngilaq 450 mill. kr. nuunneqaqataanissaat naammannngitsut, aningaasat amerlanerujussuit noqqataasariaqarput.

Kommunalbestyrelsep isumaqatigaa sanaartugassanut tunngassutillit kommununit tiguineqarpata, isumaqatigineqanngilaq aningaasat taagorneqartut 450 mill. Kr. malinnaatinniarneqartut naammattut, aningaasat amerlanerujussuit malinnaatinneqartariaqassapput.

”Ineqarneq”, tassani pineqarput suliassat attaveqarnermut ineqarnermullu Pisortaqaqfimmiit tigungmineqartut aammalu A/S Inissiaatileqatigiiffik INI.

- b) Aaqqissuussaanermut Isumalioqatigiissitat inassutigaat, ineqarneq tamarmi kommuninut nutaanut tunniunneqassasoq. Taamaalilluni Namminersornerullutik Oqartussat init attartortittagai kommuninut tunniunneqassapput. Maniitsumi inissiat attartortittakkat 75 %-iisa missaat Namminersornerullutik Oqartussanit pigineqarput. Inissiat tamarmik oqartussaasoqarfimmiit ataatsimit pigineqarnissaat naleqqussorinarpoq. Kisianni aamma suliassaqaarfiit allat taagorneqareersut ilaat assigalugit nutarterinissaq assorsuaq pisariaqarpoq. Soorlu Salliarnartami nutarterinissaq arlariarlugu kinguartinneqartarsimavoq, aningaasassaqaqngimmat. Taamaattumik kommunit Namminersornerullutik Oqartussat tungaannut sissuertariaqarput nutarterinissat pilersaarutigineqarsimasut annertuut taakku ingerlanneqarnissaat eqqarsaatigalugu, inissiat tunniunneqartinnagit, kommunit aningaasartuutitut akiliissussanngoqqunagit. Isumalioqatigiissitat inassutigaat aningaasaatitigut iluanaarutit qaffanneqassasut, tamatumalu kinguneranik ineqarnermut akiliut, nutarterinissamut annertuumut pisariaqartumullu aningaasassaqaqarniassammat. Init tunniunneqartinnagit nutarterinissamut Namminersornerullutik Oqartussat annertuumik aningaasaliingippata, ineqarnermut akiliutaasartut annertuumik qaffannissaat naatsorsuutigineqarsinnaavoq, init ukiuni qaninnerni naammaginarumik pitsaassuselernissaat anguneqassappat.

Teknikkimut Avatangiisinullu Ataatsimiititaliaq isumaqarpoq, kommunit ineqarneq tigusariaqaraat, aammalu kommunit ataatsimut peqatigiillutik Namminersornerullutik Oqartussat kimigiiserfigisariaqaraat init tunniunneqaqnginnerini nutarterinissat ingerlanneqarnissaat pillugu.

Økonomiudvalgi isumaqarpoq ineqarneq kommuninut tunniunneqassasoq, kisialli aamma nutarterinermut aserfallatsaaliinermullu aningaasat ilaassallutik. Ineqarneq tamaat eqqarsaatigalugu nutarterinermut aserfallatsaaliinermullu aningaasartuutissat koruunit milliardit arlaliupput.

Kommunalbestyrelse isumaqarpoq inissiat kommuuninut tunniunneqartariaqartut, aningaasanik malitseqartariaqarput iluarsaanernut aserfallatsaaliinermullu atugassat. Immikkoortoq milliartit kr.- nalilinnik aserfallatsaaliinerinnarmut atugassanik kalitassaqarmat.

Aningaasaqarneq

”Aningaasaqarneq”, tassani pineqarpoq inassutigineqartut siuliani taaneqareersut aningaasaqarnik-kut qanoq kinguneqarnissaat.

- g) Aaqqissuussaannermut Isumalioqatigiissitat nalilerpaat akileraartarnermik aaqqissuussinerup tamarmi allangortinneqarnissaa eqqarsaatigisariaqartoq, nunamut tamarmut akileraarut qaffallugu, kommuninullu akileraarut tamatuma nalinganik apparlugu.
- h) Aaqqissuussaannermut Isumalioqatigiissitat nalilerpaat, kommuni qinikkat maannakkut 350-iniit amerlanerusut 70-it inorlugit amerlassuseqalersillugit ikilisinnerisigut, 20 mill. kr. akissarsianuinnaq sipaarneqarsinnaasut.
- i) Aaqqissuussaannermut Isumalioqatigiissitat nalilerpaat, Inatsisartut Naalakkersuisullu taakkualu allaffeqarfiisa naleqqussaavigineqarnerisigut 25 mill. kr. missaat sipaarneqarsinnaasut, tassa suliassat ilaat kommuninut tunniunneqassammata.
- j) Aaqqissuussaannermut Isumalioqatigiissitat nalilerpaat, suliassat- nammatassallu agguataarnerisa erseqqinnerusunngornerisigut marloqiusamik allaffissornerup ilaa peerneqarsinnaasoq, tamatumuunalu 50 mill. kr. sipaarneqarlutik.
- k) Aaqqissuussaannermut Isumalioqatigiissitat nalilerpaat, maalaaruteqarsinnaatitaanerup pisariillisarneratigut ombudsmandeqarfiullu annikillineqarneratigut ukiumut 5 mill. kr. sipaarneqarsinnaasut.
- l) Aaqqissuussaannermut Isumalioqatigiissitat nalilerpaat, ingerlatsiviit suliassatigut sunniivigeqatigiilluarfiusinnaanerusunngorlugit allisinneqarpata aalajaannerusumik sulisoqalernissaq anguneqarsinnaasoq, sulisullu taarsaannerat eqqarsaatigalugu ukiumut 10 mill. kr. sipaarneqarsinnaasut.
- m) Aaqqissuussaannermut Isumalioqatigiissitat nalilerpaat, akileraaruserinermik akiitsulerinermilu suliassarfiup qitiusumik ingerlanneqarlerneratigut ukiumut 28 mill. kr. sipaarneqarsinnaasut.
- n) Aaqqissuussaannermut Isumalioqatigiissitat nalilerpaat, qarasaasiaqarnikkut nutarterinissamut aningaasaliinikkut sulisunillu inerisaanikkut ukiumut 10 mill. kr. sipaarneqarsinnaasut.
- o) Aaqqissuussaannermut Isumalioqatigiissitat nalilerpaat, sanaartornerup kommuninut nutaanut tunniunneqarneratigut sanaartugassanik ataqatigiissaarineq pitsaanerusoq anguneqarsinnaasoq, tassuunalu 70 mill. kr. sipaarneqarsinnaasut.

Siunnersuut:

Aaqqissuusseqqinnermi pilersaarutigineqartumi sipaarutigineqartussatut taaneqartut 220 mill. kr.-niusut (kapitel 15b-15i) assut neriulluarnertut nalilerpargut.

Sipaarutigineqarsinnaasutut ilippanartut ilaat annertuumik aaqqissuusseqqinnerup kingunerisariaqanngikkaluarpai, aaqqissuusseqqinneqanngikkaluarpuunniit aamma ingerlanneqarsinnallutik. Tassunga atatillugu nalunaarutigineqarsinnaavoq, Danmark-imi kommuni kattussimasut ilaat naliisimammat, sipaarutaasinnaasorinartut 1-2 %-iusut. Sanaartornerup sinerissamut siammarterneqarneratigut 10 % sipaarneqarsinnaanerannut Aaqqissuussaannermut Isumalioqatigiissitat naliliinerat annertuginarporluunniit.

Isumaqarpugut aaqqissuusseqqinnerup saqqummiunnerani qinikkat allaffissornermilu suliqaartut angalasarnissaat sillimaffigineqarsimanngitsoq. Isumaqarpugut qinikkat allaffissornermillu suliqaartut pillugit kommunini anginerusuni sipaarutigineqarsinnaasutut ilippanartut angalanermut aningaasartuutit qaffaanerinit annikinnerussasut, kommunalbestyrelsit nutaat allaffiillu taakkununga atasut pisariaqartissammasuk kommunini nutaani sumiluunniit pissutsinik malinnaanissartik.

Kommuninut A-skat-inik akiliisarneq matuneqassappat:

Isumaqarpuguttaaq akileraaruserineq kommuniniikkunnaassappat ernianik isertitat annikigisassanngitsut kommunit annaassalissagaat, taamaalillunilu aamma kommunit A-skat-inik karsiminnut isertussaagaluanik annaasaqassallutik.

- 2 -

Illumikkut piffissami sulisitsisup akiliineraniit nuna tamakkerlugu akileraarutip isumannaarneqar-nissaata tungaanut erniat kommunip pisarpai.

Aaqqissuusseqqinnissamut nassuiaammi Namminersornerullutik Oqartussat iniutaasa kommuninut tunniunneqarnissaannut atatillugu nutarterinissamut aningaasaliinissaq taaneqarsimanngilaq.

Ininik nutarterinissamut milliardit arlallit amigaatigineqarput, taakkulu ataatsimilluunniit aaqqis-suusseqqinnissamut nassuiaateqarnermi taaneqarsimanngillat.

Aamma umiarsualiveqarneq eqqarsaatigalugu nutarterinissamut aningaasaliinissaq ilanngunneqar-simanngilaq.

Isumaqarpugut kap. 15 nalilersuiffigeqqittariqartoq patsisaatut qulaani taaneqartut pissuti-galugit.

Økonomiudvalgi isumaqarpoq aningaasaqarneq tamarmi nalilersuiffigineqaqqissasoq, naatsorsuineq suliarineqarsimanngilaq, suliaasaqarfiillu arlallit eqqarsaatigalugit aningaa-saliinissaq assorsuaq pisariaqarpoq pingaartumik nutarterineq aserfallatsaaliuinerlu eq-qarsaatigalugit.

Kommunalbestyrelse isumaqarpoq aningaasaqarnertaa nalilersuiffigineqaqqittariaqartoq, kapitale 15 tamaat isigalugu tunngavigineqartut ikkappallaaqaat.